

Dios Tata kièr un **Relashon** íntimo kaminda tin **Amor, Aseptashon, Alegria, Adelanto, Atenshon, Afekshon, Aksesos, Aprobashon, Alabansa, Alimentashon, Amabilidadat, Anhelos, Apoyo, Adorashon, Apresio, Animashon, Atrakshon, Afirmashon i Abundansia**. Tur esaki nan ta loke **Dios Tata** tin pa duna den un **Relashon** íntimo ku abo.

Den un **Relashon** íntimo no tin lugá pa **odiamentu, ofendementu, obligashon, opreshon i orguyo**. Ta dor di **satanas** su **orguyo** ku ela wòrdu saka for di shelu i benta riba e mundu aki (**Isaias 14:12-16, Ezekiel 28:13-19**). **Odiamentu, ofendementu, arogansia, yalursheit, envidia** ta bini di **satanas** i no ta benefisioso pa e **Relashon** íntimo entre abo i **Dios Tata**.

Dios Tata a duna Moisés e bukinan di e **Lei** ku ta kontené e **613 Mandamentunan**. Anto e **Profetanan** Isaias i Ezekiel a skirbi tokante di e **diabel**, ku tabata un **Arkangel**, ku dor di su **orguyo, envidia i arogansia** a wòrdu benta for di shelu. Awor **Kristu Hesus, Esun Ungi** a bisa: "**No kere, no pensa, no imaginá, no konsiderá, no suponé, no komprendé, no disidí** ku **Ami** a bini pa **abolí, kambia, anulá, desmentí, kibra, tumba òf kita** otoridat di **henter e Lei i e Profetanan; Mi** no a bin pa **abolí i kibra**, sino pa **Kumpli i Kompletá**." (**Mateo 5:17**).

Si abo kièr un **Relashon** íntimo ku **Dios Tata**, abo mester sigui **henter e Lei i e Profetanan**. Awor **Yeshua Hamashiach, Esun Ungi** a trese tur e **613 Mandamentunan** di e **Lei i e Profetanan** huntu den **ún Orashon** ku ta bisa: "**Stima SEÑOR bo Dios ku henter bo Kurason, i ku henter bo Alma, i ku henter bo Mente**. Esaki ta e gran **Mandamentu** i e di **Promé**. I e di dos ta semehante: '**Stima bo próhimo manera bo mes**.' Riba e dos **Mandamentunan** aki **henter e Lei i e Profetanan** ta basá." (**Mateo 22:37-40**).

Dios Tata ta kla pa tin un **Relashon** íntimo ku abo yena ku **Amor, Aseptashon, Alegria, Adelanto, Atenshon, Afekshon, Aksesos, Aprobashon, Alabansa, Alimentashon, Amabilidadat, Anhelos, Apoyo, Adorashon, Apresio, Animashon, Atrakshon, Afirmashon i Abundansia** a base di **henter e Lei i e Profetanan i e Salmonan** (**Lukas 24:44**).

Kristu Hesus a duna **ún Orashon**, a base di **henter e Lei i e Profetanan**, pa abo por tin un **Relashon** íntimo ku **Dios Tata** ku ta bisa: "**Stima SEÑOR bo Dios ku henter bo Kurason, i ku henter bo Alma, i ku henter bo Mente, i ku tur bo Forsa i Stima bo próhimo manera bo mes**." (**Lukas 10:27**).

Ta un hende ku ta yena ku **odiamentu, ofendementu, orguyo, egoismo, arogansia, irresponsabilidadat, yalursheit, envidia, impuresa, kondukta inapropiá, immoralidat, idolatria, rabiamentu, hostilidat i indesensia** so no por tin un **Relashon** íntimo ku **Dios Tata**. Pesei, tur loke boso kièr pa hende hasi pa boso, hasi meskos pa nan, pasobra esaki ta **henter e Lei i e Profetanan** (**Mateo 7:12**).

Awor **SEÑOR, Dios Tata** a hasi **Su** parti kaba, meskos ku **Kristu Hesus, Yeshua Hamashiach, Esun Ungi** tambe a hasi **Su** parti. E **eskoho** i **desishon** pa tin un **Relashon** íntimo ku **Dios Tata** ta keda den abo su man.

20 òktober 2017

Sea Bendishoná den e Amor di Yeshua Mesias

Rev. Remsly L Riley